

**Ռ. Ա. ՆԱՀԱՊԵՏՅԱՆ**

**Պատմական գիտությունների դոկտոր**

**ԱՄԼՈՒԹՅՈՒՆԸ ԲՈՒԺԵԼՈՒ ԺՈՂՈՎՐԴԱԿԱՆ ՆՆԱՐՆԵՐՆ ՈՒ  
ՆԱՎԱՏԱՄԻՔՆԵՐՆ ԱՂՋՆԻՔՈՒՄ**

Նայ ընթանիքի ամենակարեւոր հարցերից մեկը դարեր ի վեր ամուսնությունն ու սերնդի վերաբերադրությունն էր, ամուսնի բուժումը, հղիության պահպանումը, երեխաների անխաթար աճը: Սերնդաշարունակության խնդիրը առավել սուր է դրված փոքր ժողովուրդների կյանքում՝ պայմանավորված նրանց պատմական զարգացման առանձնահատկություններով: Ուստի հայ կնոջ արժանիքը միշտ էլ համարվել է արգասավորությունը, որի ապահովումը եղել է ոչ միայն ընթանիքի, այլև ամբողջ հասարակության խնդիրը:

Այս առումով հարույկ քննության են արժանի հայոց հեղինակալից ծիսական համալիրում ամուսնի բուժմանն ու սերնդի շարունակությանն առնչվող հարուստ ծեսերը, ժողովրդական հնարներն ու հավատալիքները: Դարերի ընթացքում ժողովուրդը մշակել է ամուսնի դեմ պայքարելու բազմաթիվ ու բազմապիսի իրական (ռացիոնալ) եւ անիրական (իռացիոնալ) հնարներ, որոնցում դրսևորվում են մի կողմից՝ ժողովրդական բժշկության դարավոր փորձն ու հմտությունները, մյուս կողմից՝ ժողովրդական հավատալիքներն ու պատկերացումները: Ամուսնությունը դիվել է որպես ի վերուստ փրկված պարիստ եւ արժանանացել է ոչ միայն համընդհանուր ափսոսանքի, այլև նախադիմքի: Ահա թե ինչու այսօրեւ սերունդ չունեցողների մասին ասել են «ճժբեր չէ», «մարդ չէ», «մարդություն չունի», այսինքն՝ սերնդագործելու ընդունակ չէ: Չբեր կնոջը համեմատելով անպտուղ ծառի հետ՝ հաճախ անվանել են «չոր կոճ», «չոր գլուխ»<sup>2</sup>, «անբար (անպտուղ) ծառ» եւ «ապառաժ քար»<sup>3</sup>, «Աստծու անեծքն ա վրէն», «Աստծու պարիստ ա քաշում»<sup>4</sup>: Անվանել են նաեւ «ներամուծ»՝ նույն չբեր նշանակությամբ: Ամուսնու կիներ պարիստ չունեւ ինչպես ընթանիքում, նույնպես եւ հասարակության մեջ: Նա արհամարհված էր մնում ընթանիքում. նրան անգամ արգելվում էր նստել նորահարսի կամ հղի կնոջ կողքը, այցելել ծննդկանին եւ նորածնին: Երբեմն աննշան զանցանքի համար նրան հեզնում էին. «Լաւ հլնէիր, մէկն էլ քե կհլնէր» եւ այլ կծու խոսքերով: Հասարակության մեջ կարեկցանքի էր արժանանում ամուսինը, համարում էին Աստծո կողմից պարգևատրւել եւ խոստովում էին նրան կնունքի կամ հարսանյաց քավոր ընկերելուց: Իսկ դրան հակառակ, որքան ավելի էր աճում կնոջ զավակների թիվը, այնքան նա կշիռ եւ իրավասություն էր ստանում ընթանիքում եւ հասարակության մեջ: Նա հպարտորեն ասում էր. «Ես փասը փղամարդի մայր եմ»: Եթե ամուսնի պարգաւը փղամարդն էր, նրա մասին էլ ասում էին. «Էրիկմարդ չէ», այսինքն՝ բեղմնավորվելու ընդունակ չէ:

1 Տե՛ս Ռ. Ա. Նահապետյան, Դաշտային ազգագրական նյութեր (այսուհետեւ՝ ԴԱՆ), տարր 3, էջ 49-50:

2 Տե՛ս ԴԱՆ, տ. 1, էջ 86:

3 Տե՛ս «Արեւիկ», 1894, թիւ 3030, էջ 2:

4 Ամուսնու կնոջը փեղեկանայք կամ հարեանները երբեմն հեզնում էին հետեւյալ խոսքերով. «Փարցի բերանը պաշտմ ես, գիտում ես էրեխա՞յ ա», «Էրեխայ չունիս, ջիգար (խիղճ, գութ) չունիս»: Նման **Ե. Լալայեան**, Նոր Բալազկերի գաւառ (ազգագրութիւն), ԱՏ, գ. XVI, Թիֆլիս, 1907, էջ 30:

Աղձնիքում երբ զույգը կանգնում էր ամլության փաստի առաջ, սկսվում էր կախարդական միջոցառումների շրջանը: Ամուլ կանայք ոչ միայն զավակ ունենալու ցանկությամբ, այլև հասարակական պարսավանքից ազատվելու նպատակով դիմում էին հնարավոր իրական եւ մոգական հնարների:

Երեխա ունենալու բնաբուր ընդունակությունը չկորցնելու մրահոգությամբ նորահարսին արգելվում էր կատարել ծանր աշխատանք: Սերնդանը կանխել էր կարելի, իսկ վիժումը, որին *անցուցք* էին անվանում, համարվում էր *հոգի կորցնել* կամ հոգու նկատմամբ մեղք գործել: Ահա թե ինչու վիժող կինը պարտավոր էր հեղափոխվել հոգուն փող ունենալու համար *ժամ ու պարարտագ անել, ուխտի գնալ* եւ զոհ մատուցել<sup>5</sup>: Բացառիկ դեպքերում, այն էլ ապօրինի ծնունդը կանխելու համար դիմում էին ամեն միջոցի վիժեցնելու համար. որովայնին երկանք էին դնում եւ աղում կամ գրգռակում, բարձր փողից էին թռցնում, ծանր բեռներ կրել պալիս: Վիժվածքը ծածուկ թաղում էին կամ էլ եկեղեցու դռանն էին ձգում: Վիժելու համար ժողովրդական միջոց էր համարվում 7 բաժակ ջրի մեջ կարմիր գլուխ սոխի կղեպներ լցնելն ու եռացնելը: Այնքան էր եռում, մինչեւ մնում էր 1 բաժակ ջուր: Այն կես-կես բաժակ երկու առավոտ սոված ժամանակ խմում էին, որից հետո սկսվում էր արյունահոսությունը՝ վիժումը: Մյուս միջոցը այն էր, որ շիբը լավ ծեծում էին, լուծում ջրում եւ, բամբակով փաթաթված փայտիկը թաթախելով այդ լուծույթում, մտնում էին կնոջ արգանդը, մի քանի անգամ խառնում, որին հաջորդում էր վիժումը: Շապ զավակների, հարկապես միայն աղջիկ զավակների փեր ծննդկանը շարունակ համրում էր առասպաղի գերանները՝ մեկից մինչեւ յոթը եւ երեք օր շարունակ աջ կողքի վրա պառկում, որպեսզի յոթը փարին մեկ ծննդաբերի:

Անզավակության դառնությունը փվյալ ընտանիքի հետ երկուստեք բաժանել են ինչպես ազգաբնակիցները, այնպես էլ ողջ համայնքը: Ամբողջապես լեռնական ավարառու եւ վայրենաբարո աշխարհում ցեղերով շրջապատված լինելու պայմաններում հայոց սերնդանը դիպվում էր ոչ միայն որպես փոքրամասնության մեջ աշխարհող ձեռք ունենալու, այլև ազգային ինքնապաշտպանությունը վաղվա զինվորներով ու մայրերով համալրելու, առավել լայն առումով՝ ազգի գոյատևումն ապահովելու միջոց: 1894-96 թթ. եւ 1904 թ. զանգվածային կոտորածների ու պարբերաբար կրկնվող ջարդերի հետեւանքով նվազում էր հայ բնակչությունը, առավել չափով՝ հայ զինական ուժը: Ուստի XIX դ. վերջին - XX դ. սկզբին հարեալությամբ ապրող քրդերի եւ թուրքերի անմիջական ներկայության պարզառով որոշ սասունցիներ առաջին կնոջ ամլության դեպքում զավակ ունենալու ձգտումով երկրորդ կին էին ունենում: Այսպես երկկնության դեպքերը հենց ամլության փաստով են հիմնականում պայմանավորված, այլ ոչ թե բազմակնության հեռավոր արձագանքն են: Մասամբ այս երեւույթն էր պարզառ, որ Նայոց Եկեղեցին երբեմն աչք էր փակում երկկնության առաջ: Օտարածին եւ հարկադրական այդ երեւույթն էր պարզառ, որ երկկնության դեպքեր նույնիսկ ՆՇ փեղափոխվելուց հետո Թալինի եւ Աշտարակի շրջաններում վերաբնակված սասունցիների մեջ եղել են, ինչը ժամանակին արձանագրել ենք<sup>6</sup>: Ամուսինների արգասաբեր կամ ամուլ

5 Տե՛ս ԴԱՆ, ք. 2, էջ 116:

6 Ուշագրավ է, որ Նյուսիսային Կովկասի որոշ ժողովուրդներ, մասնավորապես օսերը, համեմատաբար ավելի հանդուրժող են ամլության հարցում, քան, ասենք, հայերը, վրացիները, ասորիները կամ մյուսները: Այսպես, օսերը

լինելն Աղձնիքում երբեմն իմացվում էր ամուսնությունից մի քանի տարի անց միայն, քանզի աղջիկներին հաճախ ամուսնացնում էին փակավիճակի արբունքի չհասած: Եւ գուցե պատճառներից մեկն էլ այն էր, որ նորակազմ ընտանիքի ամուսնությունը սովոր էին բացառել հիմնականում որպես կնոջ արապ եւ միայն ծայրահեղ դեպքերում էին այն վերագրում ամուսնուն<sup>7</sup>: Բազմազան ու բազմապիսի էին ամուսնային թերապեւտիկ բուժման միջոցներն Աղձնիքում: Մեզ հաջողվել է գրի առնել մի շարք աղբյուրի հնարներ, որոնք, ինչպես վկայում են բանասացները, մեկ անգամ չէ, որ օգնել են ազատվելու ամուսնային պատուհասից:

Ամուսնային պատճառը կնոջը կամ փղամարդուն վերագրելուց առաջ երբեմն դիմում էին հեպտեյալ միջոցներին. միմյանցից գաղտնի վերցնում էին ամուսինների մեզը եւ, լցնելով առանձին կավե ամանների մեջ, ուսպ, ցորեն կամ սխեռ էին գցում դրանց մեջ: Երկու-երեք օր անցնելուց հետո սպուգում էին. ամաններից որ մեկի մեջ հատիկները ծլարձակում էին, ուրեմն նրա տերն ունակ էր սերնդարտադրելու: Նույն կերպ ամուսինների մեզը մի քանի օր թողնում էին արեւի տակ, դրանցից որը որդներ, նրա տերը ամուլ չէր: Երբեմն էլ միայն ամուսնուն սպուգելու նպատակով, սերմը թափել էին տալիս ջրի մեջ, եթե այն խօներ հատակը, կհամարվեր սերնդարտադրելու ընդունակ: Կնոջ պտղունակությունը որոշվում էր նաեւ այլ կերպ. երկու օր սխեռի մի հատիկ պահում էին ամուսնային մեջ կասկածվող կնոջ հեշտոցում, եթե այդ միջոցին ծլեր հատիկը, կինը կհամարվեր պտղունակ: Կար ուրիշ միջոց եւս: Մի ձու էին մտցնում կնոջ իգանդամը եւ երկու օրից հանում, կտրում ու զննում. եթե արյուն էր քաշել իր մեջ՝ ամուլը ամուսինն է, իսկ եթե անարապ էր մնացել՝ կինը: Նույն կերպ 2 օր շարունակ մի սխեռահատիկ էին պահում կնոջ իգանդամի մեջ, եթե այն ծլեր, ուրեմն կինը պտղունակ էր: Առավել արդյունավետ էր համարվում փարբեր ծաղիկների ու բույսերի խառն թուրմեր ընդունելը: Երբեմն մի քանի տեսակի ծաղիկներից պատրաստված թուրմով կանայք լոգանք էին ընդունում:

Ամուլ կնոջը նստեցնում էին եղինջ, ավելուկ, պապապուկ, երեքնուկ, թորթիկ կոչված բույսերի թուրմով լցված փաշտի կամ փայտե փակառի մեջ: Չբերության մեջ կասկածվող կնոջը լոգացնում եւ մերսում էին աճուկի, որովայնի, ազդրերի, սեռական օրգանների, ձվարանների շրջանը, որից հետո *յախու*՝ կաշուն սպեղանի էին դնում բարակ մեջքի շրջանում: Սպեղանին պատրաստում էին *չարան-թորան* կամ *գիլ* կոչված օճառակավը *կերթե ծամոն* կոչվող բույսի ցողունից քաշած կաթի հեպ խառնելով մի ամանի մեջ: Սպաղված յուրաքանակ ծամոնանման նյութը դանակի շեղբով մանրացնում էին եւ շաղախում անթառամ ծաղկի հեպ, որից հետո ավելացնում էին խունկ եւ, 2-3 գդալ կովի կաթի հեպ շաղախելով, կապույտ շորի մեջ փաթ վիճակում փաթաթում էին կնոջ բարակ մեջքին<sup>8</sup>: Այլ դեպքերում՝

ամուլ կնոջից չէին ամուսնալուծվում, այլ նոր կին էին առնում եւ երկուսի հեպ ապրում ամուսնական կյանքով: Ընդ որում, երկու կին պահելու սովորույթը Օսիայում գոյություն ունի ինչպես մահմեդականների, այնպես էլ քրիստոնյաների մեջ: Տե՛ս Я. Г. Пясина, Родильные обычаи у осетин, «Советская этнография», № 4, М., 1937, էջ 87: Մինչդեռ ասորիները ամուսնային պատճառը տեսնում էին կնոջ մեջ, քանի որ, ըստ նրանց հավատալիքների, չար ուժերը վնասում էին միայն կնոջը: Եւ այդպիսից էլ կանանց նկատմամբ վարվող խարսկան վերաբերմունքը. հարսի հեպ վաք էին վարվում, սպիպում շաք աշխարել, ամուսնալուծության առիթ էին ստեղծում, մի խոսքով, այնպիսի պայմանների մեջ էին պահում, որ սպիպված վերադառնա հոր տուն (В. П. Муратхан, Обычаи связанные с рождением и воспитанием ребенка у сирийцев в СССР, СЭ, 1937, № 4, էջ 65):

<sup>7</sup> Տե՛ս ԴԱՆ, փ. 1, էջ 85-86:

<sup>8</sup> Տե՛ս անդ:

խունկ, օղի, կիր, կապույտ թղթի մանրուք, անասնաբույժի կուպր խառնում եւ, անվա կրա-  
վի վրա քաշած, կապում էին չքերության մեջ կասկածվող կնոջ մեջքին: Մեջքին դնում էին  
նաեւ շաղախված, իրար խառնված հինան ու մեղրը՝ շորով կապելով: Կամ էլ անվա կրա-  
վով փաթաթված հալած փաք կուպրի պարունակությամբ էին յախտ դնում ամուլ կնոջ քա-  
րակ մեջքին: Այն մնում էր 15-20 օր, ապա պոկում էին գոլ ջրով փափկեցնելով, իսկ վերքա-  
կալած մաշկը մաքրում օղիով, որից հետո մեջքը կրկին փաք շորով փաթաթում: Յախտն  
ցավը մարմնից դուրս քաշելու հասկություն ուներ: Չարգասավորվող կնոջ գոգկապեղը,  
որովայնը, ազդրերը մերսում էին: Կնոջը պառկեցնում էին բերանքսիվայր, նախ՝ աջ ձեռքը  
եւ ձախ ուրբը, ապա՝ ձախ ձեռքը եւ աջ ուրբը ձգում, որովայնը եւ մեջքը շփում, մեկ կամ եր-  
կու ձվի դեղնուց լցնում քարակ մեջքին, վրան ավելացնում կիր կամ դարբենի քուրայի փոշի  
եւ որովայնն ու մեջքը փաթաթում շորով: Երբեմն էլ մաշկած ոչխարենին փաք-փաք փաթա-  
թում էին կնոջ մերկ իրանին եւ մինչեւ մեկ օր պահում դրա մեջ: Նույն նպատակով մի քիչ չոր  
պղկանեփ (գերզակ) եւ ծառի դեղին արմաք՝ *կոճ*, մանրացնում էին, ոչխարի դմակի հետ  
շաղախում, բամբակը սրա մեջ թաթախելով, դնում էին կնոջ հեշտոցը մի քանի օր շարու-  
նակ՝ օրական մի քանի անգամ փոխելով թրջոցը<sup>8</sup>:

Որոշ վայրերում կնուճի մեջ լցնում էին ոչխարի *կպպոյր* (բշկու) եւ մի բաժակ ջուր,  
ապա բերանը փակ իջեցնում էին թոնիրը՝ շուրջբոլորը խմորով պապած: Երբ սկսում էր  
գոլորշի բարձրանալ, հանում էին թոնրից, բացում բերանը եւ վրան նստեցնում կնոջը: Դա  
կոչվում էր «բուլ փալ»: Այդ նույն նպատակով արեւի փակ լավ չորացած սպիտակ քակորի  
վրա շաղ էին փալիս 1-2 գդալ ձեթ, լցնում էին այն կնուճի մեջ ու այրում: Ամուլ կինը պեքը  
է նստեր կնուճի վրա այնքան, մինչեւ կրակի ծուխը ամբողջությամբ ներծծվեր արգանդը<sup>9</sup>:  
Կամ արեւի փակ լավ չորացած, սպիտակած *թիթենի* (քակոր) եւ *յավշան* (օշինդր) կոչ-  
վող բույսի չորացած ծաղիկները այրում էին նեղ վզիկով կնուճի մեջ, այն խոնավ շորով  
փաթաթում եւ ամուլ կնոջը նստեցնում վրան 1-2 ժամ: Վաղ գգալու դեպքում կնոջը շաքա-  
րաջուր էին փալիս: Այս գործողություններից հետո փորձառու մանկաբարձը վեր էր կացնում  
ամուլ կնոջը կնուճի վրայից, մի ձեռքով բռնում նրա աջ ձեռքը, մյուսով՝ ձախ ուրբը եւ թա-  
փահարում, ապա նույնը անում՝ ձախ ձեռքն ու աջ ուրբը բռնելով: Եթե այդ պահին ամուլ  
կինն իրեն վաղ չգգար, ցավեր չունենար, ապա երեխա կարող էր ունենալ, իսկ եթե *սանջու*  
(փորացավ) ունենար՝ անհույս էր: Դրանից հետո եթե ամուլ կինը նորմալ լուսին (դաշտան)  
տեսներ, ապա ամեն ինչ բարեհաջող կլիներ: Եթե լուսինը փետեր կարճ եւ ուղեկցվեր 1-2  
կաթիլ սեւ արյունով, ապա բուժելու ենթակա չէր, իսկ եթե փետեր 5-6 օր ու արյունն էլ լիներ  
կարմրավուն, ապա նա բուժված էր համարվում: Երբեմն էլ «թրի խարպուք, բովքի փոշի, ջո-  
րիի պճեղ կուրեցնեն», իսկ հակառակ գործողության՝ սերնդաշարունակությունը կանխելու  
նպատակով «մրջնաբույնի վրա ծննդաբերող կանայք կը միզեն, որ ամլին»<sup>10</sup>:

Ամուլության բուժման ուշագրավ ու բավականին արդյունավետ միջոց էր նաեւ կարմ-  
րախալա փոքր ձուկը կենդանի վիճակում կնոջ սեռական օրգան մտցնելը: Կամ անձեծել  
գլխորդ (ընկուզի մեծության դաբաղային պարունակությամբ բույսի պտուղ) էին դնում, որ-

8 Տե՛ս ԴԱՆ, փ. 11, էջ 59-60, փ. 15, էջ 10-11:

9 Տե՛ս ԴԱՆ, փ. 15, էջ 9-10:

10 «Գառառական սովորությունը (Բաղէշի Խուլթիկ գիւղ)», «Մասիս», 1885, թիւ 1757, էջ 735:

պետզի թարախը կամ բորբոքը ներծծեր եւ մաքրեր արգանդը: Կնոջ արգանդը փորձում էին բուժել նաեւ կաթի մեջ եփվող կտավափի ու դդմի գոլորշիով: Գեր կնոջը նավթ էին խմեցնում՝ արգանդի «ճրագուն» (ճարպը) հալեցնելու համար, քանզի այն արգասավորության արգելք էր համարվում, կամ էլ մանրած կապար էին կերցնում: Եթե ֆիզիոթերապիայի զանազան միջոցներ գործադրելուց հետո կինը դարձյալ չէր հղիանում, այդ դեպքում միայն կասկածվում էր փղամարդը: Սերնդարպարության չափազանց կարետրման մղումով էր, որ բացառիկ դեպքերում բարոյական չափազանց խիստ մտածելակերպի պայմաններում «ջեր» համարվող հարսն սկեսուրի դրդմամբ ամուսնուց ծածուկ կենակցում էր այլ փղամարդու հետ: Այդ երեսույթը հայրն էր «բարձը փոխել» արտահայտությամբ:

Իրական միջոցով ամուսնու թուփման նշված հնարները երբեմն պատկվում էին հաջողությամբ եւ նորաստեղծ ընտանիքը երջանկանում էր: Սակայն լինում էին նաեւ դեպքեր, երբ ամուսնունը մնում էր անբուժելի, եւ գործի էին դրվում կախարդական միջամտությունները: Նման դեպքերում յոթն աղբյուրից մարդ ու կին ջուր էին բերում, գիշերով փաթացնում եւ, մերկանալով, կռնակ-կռնակի փված եւ օջախի շեմի վրա նստած լողանում էին միասին՝ իրար վրա փոխադարձաբար ջուր լցնելով: Այդպիսի ամուսինները «գաբուզ» (կապված) էին համարվում եւ կարծում էին, թե լողանալով «հարձգվում» (արձակվում) էին<sup>12</sup>: Բաղեշում ժողովրդական պարկերացմամբ փեսայի սեռական անկարողությունը՝ «կոխը» կամ «կապ ընկնելը», վերացնելու համար նորապսակներին մեջք մեջքի փված լողացնում էին՝ 7 սրբի անուն փալով, 7 բաժակ ջուր լցնելով միմյանց վրա: Իսկ կոխ հիվանդությունը սպանում էին քառասունքի մեջ գրնվող նորապսակները՝ քառասունքը չլրացած մեռելի, «քառասունքի» մեջ գրնվող փղոցկանի փներ գնալու կամ քառասունքի մեջ գրնվող այլ նորապսակների փուն այցելելու պարճառով: «Քառսընքակոխը» կվերանար հասկապես «Տյառնընդառաջի» օրը՝ կրակի շուրջը 7 պտույտ կապարելուց հետո<sup>13</sup>: Այդ նույն օրը, երբ կտուրների վրա Տյառնընդառաջի կրակն էր վառվում, մի պարան էին կապում ամուլ կնոջ մեջքին, մի երեխայի էլ դնում գիրկը եւ երդիկից հանում կտուրը: Այսպես նա երեք անգամ թռչում էր կրակի վրայով, այնպես, որ ոտաշորի քղանցքը մի փոքր խանձվեր: Նամբարձման օրը գետի ափին քառասուն գավաթ ջուր էին ածում նրա գլխին:

Աղձնիքում շատ անգամ ապահարզան չէր թույլատրվում անգամ կնոջ կամ փղամարդու անպտղության դեպքում: Ամուսնալուծությունը օրինական կարող էր համարվել, եթե կողմերից մեկը փառապում էր հոգեկան հիվանդությամբ, մաշկային ախտերով, եթե կողմերից մեկը կրոնափոխ էր եղել, եթե փղամարդը յոթ փարուց ավելի գրնվել էր պանդխտության մեջ, եթե կինը անբարոյական էր: Նայոց Եկեղեցին, համայնքը եւ ընտանիքը ձգարել են որքան կարելի է կայուն պահել ընտանեկան հարաբերությունները, անաղարտ պահել բարոյական նորմերը:

Ըստ ժողովրդական պարկերացումների՝ իբր չբերությունը՝ որպես երկնային պարիժ, կանայք սպանում են այս կամ այն սրբից: Բազմաթիվ դեպքեր են եղել, երբ երեխա ունենալու ակնկալությամբ ամուսինները դիմել են փարբեր սրբերի՝ ուխտագնացությամբ ու զոհաբերությամբ:

11 Տեն Վ. **Պերոյան**, Սասնա ազգագրությունը, Եր., 1965, էջ 269:

12 Տեն ԴԱՆ, Գ 1, էջ 82-83:



Ուխտի ժամանակ ամուլ կինն իր գոտին կապել էր փալիս քահանային, իսկ ոմանք՝ քահանային քալորին. գոտու միջոցով մեկի ուժը կամ արգասավորությունը խորհրդանշական ձևով փոխանցվում է մյուսին, որովհետև առհասարակ գոտին աղերս ուներ պողավորման գաղափարի հետ: Այլ դեպքերում, սրբավայրում ամուլ կինը քանդում էր գոտին եւ դնում գետնին՝ սպասելով, որ մի փղամարդ գա վերցնի եւ նորից կապի իր մեջքին: Ուխտից հետո երեխա ունենալու դեպքում գոտի կապողը կնքահայր էր դառնում: Կամ չբեր կանայք չափում էին սրբի գերեզմանը, որի անվան հետ էր առնչվել իրենց չբերությունը եւ այդ չափով գոտի էին կապում իրենց մեջքին<sup>14</sup>: Նման դեպքերում սասունցիները ուխտի էին գնում Մշո Ս. Կարապետի վանք, հետո այցելում Մարութա ճգնավորին, որ գտնվում էր Տավորիկի Սպղանք գյուղում եւ կոչվում էր «Մարապու վանք»: Այդ կանայք յոթ անգամ հաճախ ուրաքոքիկ ուխտի էին գնում սրբավայր, մուրաբի առջեւ ծունր դնում, մաքաղ անում, խաչհամբույր փալիս եւ երբ վերադառնում էին, փնեցիները նրանց նստեցնում էին ճնճղապաշար կոչված բույսի խաշած թուրմով փաշտի մեջ, որովայնին դնում խաշած ճնճղապաշարը: Գործողությունը մի քանի անգամ կրկնելուց հետո առաջարկվում էր ամուսնու հետ մերձենալ: Երեխա ծնվելիս անվանակոչում էին փվյալ սրբի անունով: Նա համարվում էր «փվածորիկ», այսինքն՝ սրբի փված, որին մկրտում էին այդ սրբավայրում: Դիմում էին նաեւ գրբացների, կախարհների, թովիչների: Ընձքար գյուղի «Ծակքարից» էին գնում անցնում՝ հղիանալու համար<sup>15</sup>: Սրբավայրերի մոտ բնական եւ արհեստական անցքերով՝ ծակ քարերի, ծառերի արմաքների միջեւ գոյացած անցքերի եւ կամ գալի մոլորուց պարբաստված օղակով երեք անգամ անցկացնում էին չբեր կնոջը: Անշուշտ, ուխտագնացությունները կապվում էին նաեւ ֆալլոսի ու կրեիսի պաշարամունքների հետ: Եթե ուխտը կապվում էր եւ երեխա էր ծնվում, վերջինիս մազերը մինչեւ 7-8 փարեկանը չէին կտրում, հետո փանում էին սրբավայր, մազերը կտրում սրբի գերեզմանի վրա, կտրած մազերի կշռով մոմ վառում եւ գառ մաքաղ անում:

Եթե երեխան Մշո Սուլթան Ս. Կարապետի փվածն էր լինում, նրա պարանոցն էին անցկացնում կարմրավուն ակով արծաթե կամ պղնձե մանյակ. դրանով երեխան սրբի գերին էր դառնում, իսկ մանյակը հանվում էր միայն այն ժամանակ, երբ նա Ս. Կարապետ ուխտի էր գնում:

13 ԴԱՆ, փ. 1, էջ 87-88: Նայաստանի փարբեր ազգագրականներում Ե. Լալայանը գրառել է ուշագրավ բազմաթիվ սովորույթներ: Նշենք դրանցից մի քանիսը: Վարանդայում ամուլ կինը, ուխտաբեղիին մոտենալով, երեք անգամ ծնկաչոք պարվում էր դրա շուրջը, ապա համբուրում սրբությունը եւ, ձեռքերը գետնին դրած, մնում անշարժ: Այդ ժամանակ մի երեխա վերցնում էր քարի մի կտոր եւ դնում նրա պարանոցին: Քահանան անմիջապես նրա վրա էր գցում իր շուրջառը եւ աղոթքներ կարդում: Մի կին էլ նրա մոտ հսկում էր, որ ոչ ոք չդիպչեր ու չխանգարեր: Կինը, ջերմեանդորեն աղոթելով, խոստանում էր յոթ գյուղ ման գալ, «մաքաղ հավաքել», ոչխար առնել ու զոհաբերել նրա ուրբի փակ, միայն թե որդի պարգեւի:

Գանձակ գավառում ամուլ կինն ուխտ գնալիս չոքում էր քահանայի առաջ եւ խնդրում գլխին Ավետարան կարդալ: Երբ ավարտվում էր ընթերցումը, կինը քանդում էր իր գոտին ու դնում Ավետարանի վրա. այսպես մնում էր մի գիշեր: Նաջող օրը քահանան նորից Ավետարան էր կարդում եւ իր ձեռքով կապում գոտին կնոջ մեջքին: Կինը նվեր էր խոստանում ուխտաբեղիին, եթե որդի ունենալ:

Լոռիում ամուլ կինն իր գոտին դնում էր ուխտաբեղիի բեմի կամ սրբի գերեզմանաքարի վրա եւ ժամասացությունից հետո խնդրում բազմազավակ մի մարդու՝ գոտին բերել ու կապել իր մեջքին:

Ղազախում չբեր կինը մի լավ թաշկինակ բերում, ձգում էր սրբի գերեզմանի վրա եւ հրավիրում ներկաներից մեկին վերցնելու: Երբ նրա ուխտը կատարվում էր, երեխա էր ունենում, թաշկինակը վերցնողը քալոր էր դառնում (տե՛ս Ե. Լալայան, Տոբերքի սովորությունների զարգացումը հայոց մեջ, էջ 120):

14 Տե՛ս Վ. Գևորգյան, նշվ. աշխ., էջ 272:

Երբեմն էլ նմանով նմանն առաջացնելու հույսով որեւէ սրբի գերեզմանի մոտ ճոճ էին կապում, եւ ամուսինը յոթ անգամ օրորում էր վաղօրոք փաթաթած կեղծ բարուրը: Նոր, չգործածված կավե փարջով ամուլ կինը ջուր էր փանում գերեզմանափուն, մի անհիշարակ ննջեցյալի գերեզմանի վրա լվանում էր ձեռքերն ու ոտքերը եւ գերեզմանի վրա կոպրում ջրամանը: Կամ պառավ, բազմազավակ կին ննջեցյալին լողացնելիս վերցնում էին թիկունքի եւ արմունկի վրայով վազած ջուրը եւ խմեցնում ամուլ կանանց կամ էլ դրանով լողացնում նրանց<sup>16</sup>: Կինը գերեզմանի փարածք մտնելու իրավունք չունեւ, քանզի նա, Բաղեշի հայերի պապկերացումների համաձայն, «անիծուկ» էր համարվում: 1973 թ. Աշտարակի Նազրվան գյուղում բանասաց Աղավնի Ասապրյանը կնոջ «անիծուկ» լինելու մասին մեզ պատմեց հետևյալը. «Մի հրեա աղջիկ լավ լարախաղաց է լինում, իր շնորհքով զարմանք պատճառում թագավորին: Վերջինս, ի գոհացումն աղջկա, ասում է՝ ուզիր, ուզածդ փամ: Աղջկա մայրը խորհուրդ է փախ թագավորից պահանջել Սուրբ Կարապետի գլուխը: Այդ օրվանից էլ կինը համարվեց անիծուկ» (Նմմր. Մապր. ԺԴ, 7-8): Բանասացի մեկ այլ պատմություն եւս ներկայացնենք: Բաղեշին մոտիկ գյուղերից մեկում՝ Նազգեղում, Շուշան անունով մի աղջիկ գնում է Ս. Կարապետի գերեզման, բայց քանի որ կինը փվյալ սրբի կողմից անիծված է, ապա նա սրբի կողմից պատժվում է՝ «կապաղում» է, այսինքն՝ խելագարվում. պահպանվել է այդ մասին բանահյուսական մի կտոր.

**Աղջիկ մի կար Նազգեղ,**

**Անունը Շուշան էր,**

**Սաղաֆ դուռ փարավ ու Կարապետու նշան,**

**Էլնիմ քեզի քուլիան (թոնրի մոխիրը հանող),**

**Տանիմ լցնիմ քո բարձման (շրջակայքը)**

**Չուր (մինչև) Բրիսփոս գա դափաստան<sup>17</sup>:**

«Արեւելք» օրաթերթի թղթակիցը հաղորդում է, թե Խիանի շրջակա գյուղերում Նամբարձման օրը, «մի կողմը ամուլը՝ փոքրիկ օրոց մը կղնէր քարակարկառին վրայ եւ արգանդի շնորհ կխնդրէր, ծաղկանց պսակներ՝ անկարգ, անկանոն կնեպուէին օրհնած քարերու շուքը, ամուսնական պսակ մը խնդրելու համար»: Եւ կամ Նամբարձման գիշերը գետի ափին քառասուն թաս ջուր էին ածում ամուլ կնոջ գլխին, իսկ Տյառնընդառաջին նրան պարանով փան երդիկից հանում էին կտորը՝ գործողությունը կրկնելով երեք անգամ<sup>18</sup>:

Չբերությունը դիպվել է նաեւ որպէս չար ոգիների ազդեցության հետեւանք, որը բնորոշ էր նաեւ ուրիշ ժողովուրդների կրոնական մրաժոռոյթանը<sup>19</sup>: Աղձնեցիները ամուլությունը բացապրում էին նրանով, որ իբր չարքերը զավակաւորան (արգանդի) մեջ պատուղ խեղդում եւ արյուն են դարձնում, կամ ով սանջու (փորացավ) ունի, ուրեմն նաեւ «չարոցի է»: Սովորույթի համաձայն՝ չարը խափանելու, չար ոգիներին հալածելու համար «գիր ու թուղթ» էին

15 Նմմր Ե. Լալայեան, Բորչալու գաւառ, ԱՄ, գ. IX, Թիֆլիս, 1902, էջ 247:

16 Տե՛ս ԴԱՆ, ք 1, էջ 88:

17 Ուխտաւոր, Նամբարձում կամ վիճակ, «Արեւելք», 1895, թիւ 3395:

18 Տե՛ս Գ. Ս. Տեսարեւ, Реликты домусульманских верований и обрядов у узбеков Хорозма, М., 1969, էջ 81: Յ. Գ. Գաֆֆերբերգ, Пережитки религиозных представлений у белуджей, в. кн.: "Домусульманские верования и обряды в Средней Азии", М., 1975, էջ 230: Օ. Ա. Տухաբեւ, Пережитки демонологии и шаманства у равнинных таджиков, նույն փնդը, էջ 15:

անել պալիս, մեկը կարում էին գլխին, մյուսը՝ պարանոցին, երրորդը՝ թիկունքին, մի դրամ էլ պալիս էին քահանային՝ պարարագի ժամանակ չարքերից փանջվողի անունը նշելու եւ, դրամը կիսալուանաձեւ կտրելով, պալիս էին կնոջը՝ կրելու: Կնոջն անգավակության մարմնելու հարցում զգալի դեր էր վերագրվում այն երեւակայական ճիվաղին, որը պարմական Նայասպանի մեծագույն մասում հայրնի է եղել **թպղի (թպրղ)** անվամբ<sup>20</sup>: Միջին դարերի ձեռագրերի մեջ թպղին պարկերվել է այծակերպ-մարդակերպ ճիվաղային կերպարանքով: Աղձնիքի Սասուն գավառում թպղին ենթադրվել է որպես կարմիր մրջյունի նման արարած, որը, իբր բնակվելով կնոջ մեջքի մաշկի փակ<sup>21</sup>, կարող էր թափանցել նրա արգանդը եւ թունավորել պտուղը: Ուստի երեխան կամ մեռած էր ծնվում կամ մեռնում էր ծնվելուց շաքաթներ, ամիսներ, նույնիսկ մի քանի փարի անց: Այլ դեպքերում թպղը պարկերվում էր որպես ճանկեր ունեցող որդ, որը հոշոտում է երեխայի կամ նրա հոր ու մոր լյարդերը: Այս ոգու չարամիքի ներգործությունը դիտվում էր որպես յուրաքանչյուր հիվանդություն՝ **թպղոպուրթյուն** անվամբ: Մինչդեռ բժշկությունն այսօր այդ երեւոյթը կապում է վեներական ախտերի հետ:

Աղձնիքահայերի մեջ պարածված էր այն հավատը, թե կինը թպղոպուրթյուն էր սպանում, եթե նրա նկատմամբ կախարդական գործողություն էր արվում **թպղասուրունքով** կամ **թպրղասուրունքով**, որն իբր երկնքից ամպրոպի ժամանակ կարկտի հեքի ընկած կապարավուն քար էր: Փաստորեն այդ քարը դիտվում էր որպես թալիսման, որն օգնում էր ծննդի ժամանակ՝ ծննդկանին թպղի կոչվող հրեշից պաշտպանելու համար:

Թպղոպ կնոջը բուժելու հիմնական միջոցներից էր օձի բերանից ազափված կամ ջրից բռնած գորպը սպանելու եւ չորացնելու միջոցով հմայիլ (պահպանակ) պարարաստելն ու կնոջ որովայնի վրա կապելը: Կամ եթե փեսենին օձին գորպը բերանին, անմիջապես փալիս էին թպղոպ կնոջ անունը, որով իբր հիվանդը բժշկվում էր: Գորպն իր «գորտյամբ» իբր վանում էր թպղոպությունը եւ ծնվածներին մնացական դարձնում: Նայական դիցաբանության մեջ ամուկներին զավակ պարգեւելը, հղիներին եւ մանուկներին պաշտպանելը, ալքերից մորը պաշտպանելը եւ այլն, կապվում էր գորպի հետ: Խոնավասեր գորպի մեջ, հավաքալիքների համաձայն, ապրում էր հավերժահարսը: «Տանտերը» իբր գորպի, կրիայի, կապվի եւ առավելապես օձի կերպարանք ուներ եւ գիշերները՝ հավերժահարսի վերածված, «փան մուր փեղերը կը փեսնուէր կիներու եւ երբեմն ալ կոյս աղջիկներու»<sup>22</sup>: Որդեգուրկ կանայք մինչեւ XX դարը գորպի աղոթած մարմինը հմայիլ էին դարձնում եւ կախում պարանոցներից, որ վնասազերծվեին, զավակը հաջող ծնվեր եւ երկարակյաց լիներ: Առանձնապես հարգի էր օձի բերանից իսկված գորպը, որը հղի կանայք կապում էին որովայնին<sup>23</sup>: Ուստի Վասպուրականում, Աղձնիքում եւ այլուր կանանց գորպիների արծաթե ճարմանդները ոսկերիչները սարքում էին գորպի պարկերով: Թպղոպությունը «բուժում» էին նաեւ հիվանդին երեք անգամ հղի անասունի՝ էշի, կովի, շան, կապվի վրայով թռցնելով, կամ էլ հղի խո-

19 Աղձնիքի հարեան Վասպուրական նահանգում այդ չար ոգին հայրնի է եղել **թպրղ** ձևով, որը երեսակալվել է որպես գորպանման բազմության արարած (Ե. Լալայան, Վասպուրական, Նուստր, ԱՄ, գ. 26, Թիֆլիս, 1916, էջ 59): Թպղի ճիվաղն այլ գավառներում այլ կերպ է կոչվել, օր., Ակնում՝ **թեպկ** («Բիւրակն», 1898, էջ 770-771), Քոլիում՝ **տրպրղ** («Բիւրակն», 1898, էջ 557):

20 Տեն ԴԱՆ, փ. 1, էջ 104-106, փ. 2, էջ 127:

21 Տեն Գ. Ալիշան, Նին հաապը կամ հեթանոսական կրօնը հայոց, Վենեփիկ, 1985, էջ 63:

22 Տեն Բ. Բողյան, Երկրագործական մշակույթը Նայասպանում, Եր., 1972, էջ 476, 496:



շոր անասունի փորի փակով էին անցկացնում, գործողություն, որով իբր ցավը փոխանցվում էր այդ կենդանիներին: Երկու հոգով բռնում էին կափվին, պառկեցնում կողքի, եւ հիվանդ կինը յոթ անգամ անցնում էր վրայով: Եթե թպղոփած կինը անցներ հղի կնոջ վրայով, վերջինս, ըստ փեղական հայ բնակչության պատկերացումների, կփկարանար այդ ցավով եւ զավակ չէր ունենա, կամ նորածինը չէր ապրի: Երեխայի ծննդյան ժամանակ կնոջ ծննդաբերության փեղում մի ոչխար էին մորթում եւ երեխային հավասար քաշով միս կշռում ու հորում այդ փեղում: Դիմում էին նաեւ իրական գործողությունների. միայն յոթ աղջիկ երեխա ունեցող մոր կրծքի կաթով մերսում էին հիվանդի թխակներն այնքան, մինչեւ որ մաշկը կարմրեր, մաշկի փակից դուրս գալին թպղղին կրող կարմիր մրջյունափայ մունիչները, որից հետո **դեղդար** (ժողովրդական բժիշկը) դանակի սուր շեղբով մաքրում էր այն: Թպղոփությունը կանխելու եւ նորածինն մնացական դարձնելու միջոցով հաճախ փերփերի արած «գիր ու թուղթը» («Փէլ ու ֆանդը») դնում էին կավե հողով լցված ամանի մեջ, որի վրա էլ ծննդաբերում էր կինը<sup>24</sup>:

Գրեթե ամենուրեք թպղուն հալածելու միջոց էր Զափկի Ավագ ուրբաթ գիշերը դարբնի շինած պողպատե փայլուն խաչը փողոցականի դասփակին անխոս կապելը: Թպղախիվանդությամբ փառապող ծննդկան հարսները կրում էին նաեւ դարբնի պատրաստած մափանին: Զափկի փռնի ժամանակ դարբնի անվարձ պատրաստած մափանին, ապարանջանը կանայք պահպանում էին եւ որպես չարխափան պահպանակ օգտագործում հղիության եւ ծննդի ժամանակ՝ որպես երեխայի ծննդյան հաջողությունն ապահովող միջոց<sup>25</sup>: Ըստ Ա. Թադևոսյանի, դա պփղաբերության իմաստով համայնքային ծես էր, որում դարբինը կատարում էր փիեզերապահպան հերոսի դերը<sup>26</sup>:

Այսպիսով, պատմական Նախափռնի Աղձնիք նահանգի հայության օրինակով փեսանք, որ դարբնի ընթացքում ժողովուրդը մշակել է ամլության դեմ պայքարելու բազմաթիվ ու բազմապիսի իրական ու անիրական հնարներ, որոնցում փեղ են գրել ինչպես ժողովրդական բժշկության դարավոր փորձն ու հմտությունները, այնպես էլ ժողովրդական հավատալիքներն ու պատկերացումները: Լայն առումով բոլոր այդ միջոցներն ու միջոցառումները միավորված էին ոչ բարեկամական միջավայրով շրջապատված կենսապարածքում սերնդի պահպանման ու շարունակության կարեւորագույն խնդրին:

23 Տե՛ս ԴԱ՛Ն, փ. 1, էջ 106, փ. 2, էջ 151-152:

24 Տե՛ս 3. **Харатян**, Культурные мотивы семейных обычаев и обрядов у армян, ՆԱԲ, հ. 17, Ե., 1989, էջ 22: Տե՛ս նաեւ Ա. **Խորալեյան**, Նայոց երկաթե եւ պողպատե հմայական պահպանակները XIX-XX դդ., «Զեկուցումների թեզիսներ», Ե., 1984, էջ 15:

25 Տե՛ս Ա. Թադևոսյան, Դարբինը հայոց ծիսակարգում (պատմաագագագրական ուսումնասիրություն), ՆԱԲ, հ. 23, Ե., 2007, էջ 109-110, 121, 124-125: